



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 02-04-1244-1/23
Sarajevo, 06.10.2023. godine

KANTON SARAJEVO

SKUPŠTINA KANTONA SARAJEVO
n/r Elvedin Okerić, Predsjedavajući Skupštine
- o v d j e -

11-10-2023

PREDMET: Odgovor na zastupničku inicijativu, dostavlja se.-
V E Z A: Vaš akt broj: 01-04-39-28/23 od 20.09.2023. godine

Poštovani,

Zastupnica Mersiha Mehmedagić u skladu sa članom 106. Poslovnika Skupštine Kantona Sarajevo („Službene novine Kantona Sarajevo“, broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 – Ispravka), dana 15.09.2023. godine uputila je sljedeću zastupničku inicijativu:

„kako Kanton Sarajevo u kišnim periodima ima ozbiljne probleme sa začepljenjem kanalizacionih objekata zbog čega imamo poplavljene ulice, kolaps u saobraćaju, a nerijetko i izlivanje otpadnih voda što ugrožava zdravlje stanovništva, neophodno je hitno osigurati sredstva za nabavku vozila za čišćenje i pročepljavanje kanalizacionih objekata. Molim da se prioritarno osiguraju sredstva za nabavku specijalnog vozila manjih gabarita i mase, kako bi se osiguralo neometano čišćenje kanalizacionih objekata Bašćaršije i uskih ulica padinskih naselja koja su, zbog nedovoljnog broja vozila, najugroženija“.

ODGOVOR:

Prepoznajući ulogu i značaj koji KJKP „Vodovod i kanalizacija“ d.o.o. Sarajevo ima u sistemu zaštite i spašavanja ljudi i materijalnih dobara od prirodnih i drugih nesreća Kantona Sarajevo, na prijedlog Kantonalne uprave civilne zaštite Kantona Sarajevo (u daljnjem tekstu: Uprava), Vlada Kantona Sarajevo je donijela Uredbu o organizovanju službi zaštite i spašavanja i jedinica civilne zaštite specijalizovane namjene Kantona Sarajevo („Službene novine Kantona Sarajevo“, br. 30/13, 29/19, 15/20, 22/20 i 17/22), kojom se između ostalog, u okviru navedenog preduzeća, formira Služba za vodosnabdijevanje koja vrši operativne mjere zaštite i spašavanja, a odnose se na snabdijevanje građana pitkom vodom na pogodnom području, kao i operativne mjere



u fazi spašavanja i fazi otklanjanja određene članom 15. Pravilnika o organizovanju službi zaštite i spašavanja i jedinica civilne zaštite, njihovim poslovima i načinu rada („Službene novine Federacije BiH“, br. 77/06 i 52/22).

Uprava je u prethodnom periodu, u skladu sa navedenom Uredbom i Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljnjem tekstu: Zakon o zaštiti i spašavanju), a prema procedurama propisanim Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12, 80/13 i 20/20), iz sredstva ostvarenih po osnovu posebne naknade za zaštitu od prirodnih i drugih nesreća koje prema člana 180. Zakona o zaštiti i spašavanju pripadaju Kantonu Sarajevo, opremala Službu za vodosnadbijevanje sa neophodnim materijalno-tehničkim sredstvima (KJKP „Vodovod i kanalizacija“ d.o.o. Sarajevo) i opremom po utvrđenoj materijalnoj formaciji i to:

- Auto – cisterna za pitku vodu, marke: Renault, tip: Midlum 220.16 cisterna, godina proizvodnje 2008.;
- Rovokopač – utovarivač, marke: Caterpillar 434F-2, godina proizvodnje 2016.;
- Rovokopač – utovarivač, marke: Caterpillar 434F-2, godina proizvodnje 2016.;
- Mini bager utovarivač - rovokopač, marke: Caterpillar 303.5 CR, godina proizvodnje 2022. i
- Kombinovani rovokopač – utovarivač, marke: Caterpillar 428, godina proizvodnje 2022.

Navedena sredstva Služba za vodosnadbijevanje može koristiti u svojoj redovnoj djelatnosti, što je u skladu sa pozitivnim zakonskim propisima koji regulišu oblast zaštite i spašavanja, utvrđeno kao provođenje preventivnih mjera u oblasti vodosnadbijevanja.

Napominjemo da predmetno vozilo za čišćenje i pročepljavanje kanalizacije, čija se nabavka traži u podnesenoj zastupničkoj inicijativi, nije sredstvo koje se koristi za funkcionisanje ove Službe jer je djelatnost iste (u skladu sa Uredbom o organizovanju službi zaštite i spašavanja i jedinica civilne zaštite specijalizovane namjene Kantona Sarajevo), kako smo naprijed naveli, isključivo vodosnadbijevanje iz kojih razloga Kantonalna uprava civilne zaštite Kantona Sarajevo ne može izvršiti njegovu nabavku.

S poštovanjem,

Dostavljeno:

- Naslovu;
- a/a.

